



# BOP

VIERNES, 9 DE AGOSTO DE 2013

Nº 181

## DIPUTACIÓN DE LUGO

[boletin@deputacionlugo.org](mailto:boletin@deputacionlugo.org)  
[www.deputacionlugo.org](http://www.deputacionlugo.org)

Dep. Legal: LU-1-1968

Administración: San Marcos, 8 - 27001 Lugo  
Tel.: 982 260 124/25/26 - Fax: 982 260 205

### EXCMA. DEPUTACIÓN PROVINCIAL DE LUGO ÓRGANO REITOR DA RESERVA DA BIOSFERA TERRAS DO MIÑO

*Anuncio*

#### ANUNCIO RELATIVO AO TRÁMITE DE PARTICIPACIÓN PÚBLICA NO MARCO DO PROCEDEMENTO PARA A APROBACIÓN DO PLAN DE ACCIÓN DA RESERVA DA BIOSFERA TERRAS DO MIÑO

O día 31 de xullo de 2013 o Órgano Reitor da Reserva da Biosfera Terras do Miño aprobou inicialmente o Plan de Acción da citada Reserva, de acordo co establecido no Capítulo V relativo aos Instrumentos de Planificación do Regulamento do Órgano de Xestión da Reserva da Biosfera de Terras do Miño (BOP nº 76, 04/04/2011).

O Plan de Acción da Reserva da Biosfera Terras do Miño definirá un novo modelo de desenvolvemento sostible que compatibilice a conservación dos recursos naturais coas actividades económicas e o desenvolvemento da poboación, integrándose con outras políticas de protección da natureza, de usos do solo e doutros recursos.

No que respecta á participación pública, este é un compoñente estrutural do concepto de Reserva de Biosfera e así o recolle o obxectivo 10 do Plan de Acción de Madrid. Os procesos de participación e de colaboración cidadá están atopando un amplo apoio entre os axentes que se refiren á implicación efectiva dos cidadáns nas tomas de decisións que afectan ao territorio e os asuntos comúns da sociedade. Algúns dos enfoques que ofrecen axudan a clarificar a dinámica que poden introducir as Reservas de Biosfera para lograr o efectivo exercicio das súas funcións. Este aspecto foi despregado no Plan de Acción de Montseny, que absorbe e fai súa esta filosofía para a súa aplicación efectiva en varias actuacións e articulacións, virando, como núcleo central, en torno ao concepto xurídico de participación dos cidadáns nas tomas de decisións das Administracións Públicas.

O ordenamento xurídico español admite diversas modalidades de participación e, nese sentido, os obxectivos de UNESCO han de alcanzarse combinando fórmulas de participación orgánica (mediante representantes que se integran na Administración) e de participación funcional (mediante procedementos que se abren a persoas non necesariamente integradas na Administración). As Comunidades Autónomas, ou entidades competentes en cada caso, teñen as competencias para regular a composición e funcións do órgano de xestión que ha de existir en cada Reserva de Biosfera (artigo 67.c da Lei 42/2007, de 13 de decembro, do Patrimonio Natural e da Biodiversidade).

O Órgano Reitor da Reserva da Biosfera Terras do Miño aprobou tamén o trámite de participación pública do citado plan de acción, que seguirá o seguinte procedemento:

#### 1. Exposición pública:

A exposición pública comezará o día seguinte da publicación do anuncio no BOP ata o 30 de setembro de 2013, prazo no cal os interesados poderán examinar o documento na páxina web da Deputación de Lugo [www.deputacionlugo.org](http://www.deputacionlugo.org) e na Secretaría desta Entidade Provincial, e presentar as reclamacións e suxestións que estimen oportunas, de conformidade co sinalado no artigo 49 da Lei 7/1985, de 2 de abril, reguladora das Bases do Réxime Local.

As observacións deberán ser remitidas á Reserva da Biosfera Terras do Miño, Deputación de Lugo, na praza de San Marcos nº 8, 27001 Lugo, debendo achegar a información suficiente referente ao remitente para que, solventado o trámite, se lle informe do resultado definitivo do proceso no que participou, e dos motivos e consideracións nos que se basea a decisión adoptada; segundo se recollen os dereitos relativos á participación pública na Lei 27/2006, de 18 de xullo, pola que se regulan os dereitos de acceso á información, de participación pública e de acceso á xustiza en materia de medio ambiente.

Esta participación pública está aberta ao público e ás persoas interesadas, conforme ao establecido nos artigos 2.1, 2.2, 16.1 e 23 da Lei 27/2006.

## 2. Consulta técnica:

Tralo prazo anterior, co obxectivo de potenciar o intercambio directo de opinións, o aporte de ideas e a posta en común e consenso respecto ás liñas xerais do Plan de Acción, convocáronse dúas mesas sectoriais, centradas na conservación do medio ambiente e no desenvolvemento socioeconómico da Reserva, ás que poderán asistir os membros do Órgano de Participación, así como outras entidades territoriais representativas, previa invitación.

## 3. Estudio e contestación das alegacións e suxestións presentadas:

As alegacións e observacións formuladas ao documento de aprobación inicial, serán estudadas e informadas no prazo de 15 días a contar desde o fin do prazo de exposición pública.

## 4. Informe do Órgano de Participación:

Unha vez redactado o Plan de Acción no que se incorporen os resultados da exposición pública e das mesas sectoriais realizadas, presentarase o Plan de Acción ao Órgano de Participación, o cal segundo o artigo 27.3 do Regulamento, deberá emitir un informe non vinculante ao respecto.

## 5. Aprobación polo Órgano Reitor:

De conformidade co artigo 27.3 do Regulamento, a aprobación do Plan de Acción será realizada polo Órgano Reitor.

Lugo, cinco de agosto de dous mil trece. O PRESIDENTE, José Ramón Gómez Besteiro. O SECRETARIO, P.S. O SECRETARIO-INTERVENTOR, Manuel Castiñeira Castiñeira.

---

## INICIO EXPOSICIÓN PÚBLICA DO PLAN DE ACCIÓN DA RESERVA DA BIOSFERA TERRAS DO MIÑO.

Aprobado inicialmente polo Órgano Reitor da Reserva da Biosfera Terras do Miño, en sesión celebrada o 31 de xullo de 2013, o de Plan de Acción da Reserva da Biosfera Terras do Miño, expónse ao público desde o día seguinte da publicación deste anuncio no BOP ata o 30 de setembro de 2013.

Neste prazo, os interesados poderán examinar o documento na páxina web da Deputación de Lugo [www.deputacionlugo.org](http://www.deputacionlugo.org) e na Secretaría desta Entidade Provincial, e presentar as reclamacións e suxestións que estimen oportunas, de conformidade co sinalado no artigo 49 da Lei 7/1985, de 2 de abril, reguladora das Bases do Réxime Local.

As observacións deberán ser remitidas á Reserva da Biosfera Terras do Miño, Deputación de Lugo, na praza de San Marcos nº 8, 27001 Lugo, debendo achegar a información suficiente referente ao remitente para que, solventado o trámite, se lle informe do resultado definitivo do proceso no que participou, e dos motivos e consideracións nos que se basea a decisión adoptada; segundo se recollen os dereitos relativos á participación pública na Lei 27/2006, de 18 de xullo, pola que se regulan os dereitos de acceso á información, de participación pública y de acceso á xustiza en materia de medio ambiente.

Esta participación pública está aberta ao público e ás persoas interesadas, conforme ao establecido nos artigos 2.1, 2.2, 16.1 e 23 da Lei 27/2006.

Lugo, cinco de agosto de dous mil trece. O PRESIDENTE, José Ramón Gómez Besteiro. O SECRETARIO, P.S. O SECRETARIO-INTERVENTOR, Manuel Castiñeira Castiñeira.

R. 3140

---

## ÓRGANO REITOR DA RESERVA DA BIOSFERA OS ANCARES LUCENSES E MONTES DE CERVANTES, NAVIA E BECERRÁ

*Anuncio*

### ANUNCIO RELATIVO AO TRÁMITE DE PARTICIPACIÓN PÚBLICA NO MARCO DO PROCEDEMENTO PARA A APROBACIÓN DO PLAN DE ACCIÓN DA RESERVA DA BIOSFERA OS ANCARES LUCENSES E MONTES DE CERVANTES, NAVIA E BECERREÁ

O día 29 de xullo de 2013 o Órgano Reitor da Reserva da Biosfera Os Ancares Lucenses e Montes de Cervantes, Navia e Becerreá aprobou inicialmente o Plan de Acción da citada Reserva, de acordo co establecido no Capítulo V relativo aos Instrumentos de Planificación do Regulamento do Órgano de Xestión da Reserva da Biosfera dos Ancares Lucenses e Montes de Cervantes, Navia e Becerreá (BOP nº 76, 04/04/2011).